

من داخل المعتقل رسالة للثوار رافضي حكم العسكر : " إياكم تتكسروا أو تبيعوا الحلم "



السبت 17 أكتوبر 2015 12:10 م

أرسل أحد المعتقلين في سجون الانقلاب، ويدعى (م[س])، اليوم السبت، رسالة إلى ثوار مصر ورافضي حكم العسكر، طلب فيها أن يصمدوا في نضالهم وألا يقعوا في مستنقع اليأس، وشدد على أن صمودهم يعطي المعتقلين قوة للثبات وكتب م[س] يقول : "بص بقى يا عم جلال .. كنت متردد أقولك ولا لأ .. بس أمرى لله بقى .. أنت والناس اللي لسه ما وقعتش فى مستنقع الدجل وضحكهم على أنفسهم قبل ما يضحكوا على الناس .. انتوا بس اللي بتهونوا علينا اللي أحنا فيه .. و بتدونا أمل علشان نصمد ونكمل".

مضيفاً: "أوعوا تضعفوا لتقتلونا من غير ما تحسوا .. والله كل شىء يهون بالنسبة لنا وهنقدر نستحمله ونتعود عليه .. إلا أنكم تستسلموا أو تتكسروا أو تبيعوا الحلم .. التاريخ مش هينسى لأى حد وقف موقف حق .. ومش هيجامل ومش هيعرض للمعرضين زى ما هما اتعودوا يعيشوا .. وهيفقدوا احترام الأجيال الجاية بعدهم للأبد مهما كانت إسهاماتهم العلمية أو غيرها".

وتابع: "المواقف الأخلاقية الحقيقية بس هيا اللي هتعيش .. أنا محبوس سنتين من غير محاكمة .. بسبب موقف سياسى وأخلاقى .. ومتفهم ده كويس جدا ومستعد لاكثر من كده .. و يجيبوا آخرهم .. مهما يكن التمن فهو رخيص قدام احترامى لنفسى .. اللي لو خسرته مش هلاقى أى حاجه ممكن تعوضه تانى".

مضيفاً: "أنا شايفك واحد من اللي محافظين على احترامهم لنفسهم .. وأفكر أنك هتستمر يا بطل .. لأن البطولة فى حقيقتها بتكون سباحه ضد التيار .. وده اللي أنت بتعمله .. احبيك .. الزتونة بقى .. عاوزك تدعيلنا ربنا يفرج عننا قريب ويفك سجننا ونطلع لكم علشان نتقابل قريب .. قول يا رب".

